

**PEMBERITAHUAN PERTANYAAN DEWAN RAKYAT
JAWAPAN OLEH YB DATUK SERI DR. S. SUBRAMANIAM
MENTERI KESIHATAN MALAYSIA**

PERTANYAAN : LISAN
DARIPADA : YB DATUK AHMAD JAZLAN BIN YAAKUB
[MACHANG]
TARIKH : 26 MAC 2015
SOALAN :

YB Datuk Ahmad Jazlan bin Yaakub [Machang] minta **MENTERI KESIHATAN** menyatakan adakah Kementerian ada merangka pelan tindakan bagi memperbesarkan hospital di Machang dan menambah kelengkapan yang sedia ada kerana Hospital Kuala Krai dan Tanah Merah terkepung akibat banjir dan hospital yang berhampiran adalah Machang.

Tuan Yang di-Pertua,

Hospital Machang merupakan hospital tanpa pakar yang menerima lawatan pakar-pakar perubatan pelbagai disiplin secara berkala dari hospital berpakar Kementerian Kesihatan Malaysia (KKM) berhampiran. Pesakit yang memerlukan rawatan lanjut akan dirujuk sama ada ke Hospital Raja Perempuan Zainab II (HRPZ II) Kota Bharu, Hospital Kuala Krai, Hospital Universiti Sains Malaysia (HUSM) Kubang Kerian atau Hospital Tanah Merah. Pada masa ini, KKM belum ada perancangan untuk menempatkan pakar residen di Hospital Machang.

Dalam tahun 2013 dan 2014, Hospital Machang telah menerima RM690 ribu bagi menaiktaraf peralatan perubatan (aset) sedia ada.

Tuan Yang di-Pertua,

KKM sememangnya mempunyai perancangan untuk menaiktaraf Hospital Machang yang akan disenaraikan sebagai projek keutamaan bagi Negeri Kelantan di dalam RMK-11. Antara perkhidmatan yang diperlukan bagi penambahbaikan adalah:-

- Dewan Bedah;
- Unit Bekalan Steril Berpusat;
- *High Dependency Ward*;
- Rawatan Harian; dan
- Fisioterapi, Carakerja dan Sosial Perubatan;

Seterusnya apabila kerja di atas siap, penilaian akan keperluan penambahbaikan yang berterusan akan dijalankan dan dilaksanakan bagi memastikan fasiliti hospital ini dapat menampung peningkatan keperluan perkhidmatan semasa.

Tuan Yang di-Pertua,

KKM telah memperuntukkan sejumlah RM9,208,374.00 kepada Negeri Kelantan pada tahun 2014 bagi tujuan perolehan peralatan perubatan, kenderaan dan ambulans. Daripada jumlah tersebut, sejumlah RM1,062,000.00 telah diagihkan ke Hospital Kuala Krai dan RM10,000.00 ke Hospital Machang.

Peruntukan untuk Hospital Kuala Krai tersebut meliputi perolehan:

1. 1 Unit Autoclave;
2. 1 Unit Hematology Analyzer;
3. 1 Unit Chemistry Analyzer;
4. 1 Unit Centrifuge Gel Cart;
5. 1 Unit Computed Radiography;
6. 1 Unit Weighing Scale;
7. 1 Unit PM Set Adult; dan
8. 1 Unit Ambulans.

Peruntukan untuk Hospital Machang meliputi perolehan:

1. 1 Unit Portable Suction Machine; dan
2. 1 Unit PM Set Adult